


Bibël për fëmijët
paraqet

Isaia Shikon të Ardhmen



Shkruar nga: Edward Hughes
Ilustruar nga: Jonathan Hay
Adaptuar nga: Mary-Anne S.
Përkthyer nga: Arianit & Valbona Iljazi
Prodhuar nga: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2024 Bible for Children, Inc.

E drejta e kopjimit: Mund të bëni kopje ose ta shtypni këtë histori,
nëse nuk do ta shitni.

1

Isaia ishte një profet. Puna e tij ishte tu tregonte
njerëzve çfarë Perëndia thoshte.




2

Njerëzit nuk i bindeshin gjithmonë Fjalës së Perëndisë, por Isaia u mbajt fort pas Perëndisë.

Isaia predikoi gjatë mbretërimit të katër mbretërve të ndryshëm.



Mbreti Uzia sundoi mbi Judën nga qyteti i Jerusalemit. Në fillim, Perëndia e bekoj Uzia sepse ai bëri çfarë ishte e drejtë në sytë e Perëndisë. Por Uzia u bë krenar dhe ndaloi së binduri Perëndisë. Ai u bë një lebroz dhe iu desh të jetojë i vetëm gjersa vdiq.



Mbreti Uzia mbretëroi përmbi 60 vite. Kur ai vdiq, biri i tij Jothami zuri vendin e tij dhe mbretëroi për shtatëmbëdhjetë vjet. Perëndia e bekoj Jothamin për shkak se ai dëgjoi atë çfarë Perëndia kishte për të thënë nëpërmjet Isaia dhe profetëve të tjerë.



Ahazi ishte djali i mbretit Jotham. Ahazi ishte njëzet vjeç kur filloi të mbretërojë, dhe mbretëroi gjashtëmbëdhjetë vjet në Jerusalem. Ahazi nuk donte t'ia dinte për Perëndinë.



Ai adhuronte idhujt dhe perënditë e rreme, dhe çoi edhe shumë njerëz të Perëndisë në atë rrugë. Megjithëse Isaia e paralajmëroi atë, Ahazi nuk desh ti dëgjojë paralajmërimet e Perëndisë. Ai vdiq kur ishte vetëm 35 vjeç.




Perëndia e bekoj mbretin që erdhi pas tij, Ezekian, sepse ai largoi të gjithë idhujt dhe perënditë e rreme, dhe iu lut Perëndisë së vërtetë. Kur një ushtri armike sulmoi Judën, Ezekia e dinte që ushtria e tij ishte shumë e dobët për të fituar. Ai i kërkoi Isaia, ti lutej Perëndisë për ndihmë.



Isaia i dërgoi këtë mesazh mbretit. "Kjo është ajo çfarë thotë PERËNDIA: Mos ki frikë nga ky armik ... Unë do ta bëj që të bjerë...". Shumë shpejt pas kësaj, Perëndia bëri që ushtria armike të largohej, madje pa luftuar


fare me Ezekain.



9

Megjithëse njerëzit rreth tij, nuk mendonin shumë për Perëndinë,

Isaia mendonte shumë për Atë. Një ditë, ai pati një vizion, që është si një lloj ënd'rre por që ti e sheh kur nuk po fle. Në vizion Isaia pa se sa i lavdishëm dhe i shenjtë është PERËNDIA.



10

"Cilin të dërgoj?" pyeti Perëndia në vizion. "Këtu jam unë. Më dërgo mua", u përgjigj Isaia. Ai ishte i gatshëm të bënte çfarëdo që Perëndia do ti kërkonte, dhe të shkonte kudo që Perëndia do ta dërgonte.



11

Mbase Isaia mendonte se Perëndia do ta dërgonte te një popull i largët që nuk kishte dëgjuar për Perëndinë. Por jo, Perëndia bëri diçka tjetër.



12

Perëndia i tha Isaia se ti fliste popullit të tij në vendin e tij. Ai duhej ti tregonte atyre se Perëndia ishte i zemëruar me mëkatin e tyre.



13

Kishte edhe gjëra të tjera që Isaia duhej ti tregonte njerëzve të tij - gjëra të mrekullueshme rreth një Personi që do të ishte një çlirimtar i fuqishëm dhe do të vinte ti shpëtonte ata nga mëkatet dhe armiqtë e tyre.




14

Judenjtë e quanin këtë Person, "Mesia". Megjithëse ata prisnin që Perëndia të dërgonte Mesian, shumë njerëz jetonin sikur Ai nuk do të vinte kurrë.




15

Të gjitha gjërat që Isaia tha rreth Mesias, janë shkruar në librin e tij. Megjithëse ai i shkroi këto gjëra qindra vite përpara se të ndodhnin, gjithçka që Isaia tha për Mesian u vërtetua.



16

Isaia tha se Perëndia vetë do të jepte një shenjë.




Ai tha, "Ja një virgjëreshë do të lindë një djalë dhe do ta quajnë Emanuel".



17

Njerëzit e dinin, që Isaia po fliste për Mesian e Perëndisë,




sepse një grua nuk mund të jetë edhe e virgjër, edhe të lindë fëmijë.



Gjithashtu, emri Emanuel, do të thotë, Perëndia me ne!

18

"Sepse një fëmijë na ka lindur, një Djalë na është dhënë; dhe sundimi do të jetë mbi supet e Tij. Dhe do të quhet, i Mrekullueshëm, Këshilltar, Perëndi i Gjithpushtetshëm, Atë i Përjetshëm, Princ i Paqes". Isaia ishte kaq i sigurtë që premtimet e Perëndisë do të plotësoheshin, sa që ai foli sikur gjërat të kishin ndodhur atëherë. Kjo quhet profeci.



19

Isaia tha që Mesia do të jetë i madhërisëm dhe do të bëjë gjëra të madhërisme. Perëndia i tha Isaias edhe që ai ti tregonte popullit, se Mesia do të vuante dhe do të vritej.



20

Isaia mund të kishte menduar, sesi ishte e mundur që Mesia të ishte edhe i madh dhe i fuqishëm, edhe i dobët dhe i plagosur. Por Isaia nuk argumentoi me Perëndinë - ai vetëm përsëriti atë çfarë Perëndia i tha atij të thotë. Perëndia do ta bënte profecinë të vërtetë, ashtu si vetëm Ai di.



21

Mesia po vinte - jo vetëm për popullin Jude. Perëndia i tha Isaias se Mesia do të ishte "një dritë për Paganët". Paganë janë të gjithë njerëzit në botë që nuk janë Judenj. Perëndia do çdokënd, dhe Mesia i Tij do të vinte për të bekuar dhe sjellë shpëtimin për të gjithë, gjer në skajet e gjithë tokës.



22


Isaia Shikon të Ardhmen

Një tregim nga Fjala e Perëndisë, Bibla
e marrë nga

Isaias 1, 6, 7, 9, 53

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

23



27

60

24

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkatet. Dënimi për mëkatet është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëjë atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

25